

# Newsletter

JANUARI 2021

ISSN 1821 - 7273 TOLEO NA. 29

## Bodi ya EWURA yakagua Miundombinu ya Umeme





## Toleo Lililopita



## BODI YA WAHARIRI

### MWENYEKITI

Mha. Godfrey H. Chibulunje

### MHARIRI

Bw. Titus M. Kaguo

### MHARIRI MSAIDIZI

Bw. Wilfred Mwakalosi

### WAANDISHI

Bi. Asiatu Msuya

Bi. Tobietha Makafu

### MAKAO MAKUU YA EWURA,

Jengo la EWURA,  
Kiwanja Na 3, Kitalu AD,  
S.L.P. 2857, Dodoma,  
Simu: +255 26 2329002-4,  
Nukushi: +255 26 2329005,  
Barua pepe: info@ewura.go.tz;  
Tovuti <https://www.ewura.go.tz>  
Simu ya BURE 0800110030

### Mitandao ya Kijamii

Facebook: <https://www.facebook.com/ewuranews>

Twitter: <https://www.twitter.com/ewuratanzania>

You Tube: EWURA TV

# YALIYOMO

Kutoka kwa Mhariri .....	3
Bodi ya Wakurugenzi EWURA yakagua Miundombinu ya Umeme .....	4
Wadau wasaini Mfumo wa Kulinda njia za Miundombinu.....	5
Serikali yaunganisha Mamlaka za Maji.....	6
EWURA yatoa Semina kwa wenye Ulemavu wa Ngozi.....	7
Bodi yapongeza Mradi wa Kuchuja Maji Chumvi.....	8
Mkuu wa Mkoa aipongeza EWURA.....	9
Ewura yatoa mafunzo kwa wana habari wa Kanda ya Ziwa.....	10



## PICHA YA MBELE

*Ujumbe wa Bodi ya Wakurugenzi ya EWURA, ukiongozwa na Makamu Mwenyekiti wa Bodi hiyo, Alhaj Ahmad Kilima (wa nne kutoka kulia) ulipozuru mitambo ya kuzalisha umeme ya Zuzu, Dodoma, hivi karibuni.*

**Kauli Mbiu: "Udhibiti wa Haki kwa Matokeo CHANYA"**



# KUTOKA KWA mHARIRI

## HERI YA MWAKA MPYA WAPENDWA WASOMAJI WETU!

**K**wa furaha kubwa napenda kukukaribisha kusoma Jarida letu la Januari 2021, likiwa ni toleo la kwanza kwa Mwaka 2021.

Hili ni Toleo la 29 katika mfululizo wa machapisho ya Jarida la EWURA, ambalo linawapa wasomaji wetu fursa ya kusoma makala mbalimbali za kufurahisha zinazohusu sekta zinazosimamiwa na EWURA.

Kwa kiwango kikubwa, Jarida letu linaangazia habari za shughuli za hivi karibuni zilizofanyika katika kipindi cha Septemba na Desemba 2020.

Pamoja na Jarida letu, EWURA imeanzisha kurasa za mitandao ya kijamii ya <https://www.facebook.com/ewuranews>, EWURATV ([m.youtube.com/channel/ewuratv](https://youtube.com/channel/ewuratv)), na <https://mobile.twitter.com/ewuratanzania> , ambapo vipindi vya Televisheni na Redio vyenye maudhui mbalimbali ya kiudhibiti vinapatikana.

Tunaamini kuwa hizi ni zana mpya, zinazobadilisha mwelekeo wetu wa usomaji na utazamaji wa vipindi vyetu, ambazo pia zina umuhimu mkubwa katika kumuweka Mdhibiti karibu na wadau anaowahudumia.

Mwaka huu, tukiwa pamoja na wewe msomaji wetu, tunatarajia kuongeza wafuasi kwenye mitandao ya kijamii ya Facebook, YouTube na Twitter kuifanya 2021 kuwa bora zaidi!

Maoni yako, michango na ukosoaji wa kujenga, juu ya yote uliyosoma katika Jarida letu yamethibitisha kuwa na maana katika kutimiza dhamira yetu ya kutoa na kutengeneza jukwaa bora la habari.

Tunatumai utaendelea kufurahia makala mbalimbali katika Jarida hili. Wafanyakazi wetu na wahariri wataendelea kufanyakazi kwa utii na bidii katika kukuletea habari kuhusu sekta zinazodhibitiwa na EWURA.



**Titus M. Kaguo**

# Bodi ya Wakurugenzi EWURA yatemelea Miundombinu ya Umeme

Na Tobietha Makafu



Wajumbe wa Bodi ya EWURA, Menejimenti ya EWURA na maofisa wa TANESCO wakibadilishana mawazo katika kituo cha kupoozea umeme cha Zuzu, Dodoma wakati Bodi hiyo ilipofanya ukaguzi wa miundombinu ya umeme.

**B**odi ya Wakurugenzi ya EWURA ikiambatana na Wajumbe wa Menejimenti hivi karibuni ilitembelea miundombinu ya TANESCO katika Kituo cha Gridi cha Umeme eneo la Zuzu Mkoani Dodoma, kama sehemu ya utaratibu wake wa kupata taarifa zaidi juu ya utekelezaji wa miradi ya miundombinu ya umeme.

Bodi ilifanya ziara katika kituo cha Gridi Zuzu kinachozalisha Megawati 200, na kituo cha zamani kinachotumia mafuta ya Dizeli kinachozalisha Megawati 7.4, pamoja na uwekezaji wa awamu ya pili ya kituo kipywa cha uzalishaji umeme wa msongo wa kilovolti 400.

Bodi iliridhishwa na hali ya utekelezaji wa miradi huo na kutilia mkazo wa kuharakisha kukamilika kwa mradi huo, ili kuboresha utoaji wa huduma za umeme nchini

Akizungumza wakati wa ziara hiyo, Naibu Mwenyekiti wa Bodi, Bw. Ahmad Kiliima alisema ameridhishwa na utekelezaji wa mradi, hasa kutokana na ukweli kwamba Dodoma ni Mji Mkuu wa Serikali na mkoa unaokua kwa kasi ambao unahitaji ugavi wa umeme wa kuaminika na endelevu.

“Tunashukuru juhudi za Serikali kutekeleza miradi mikubwa

ya miundombinu ya umeme ya Usambazaji wa Msongo wa Kilovolti 400 na Mradi wa Umeme wa Julius Nyerere, ili kuboresha ubora wa umeme katika jiji la Dodoma na nchi nzima kwa ujumla,” alisema Bw. Kilima.

EWURA ina jukumu la kudhibiti kiufundi na za kiuchumi Sekta ndogo ya Umeme, kazi za udhibiti ambazo zinatekelezwa na Mamlaka katika Sekta ya Umeme zinalenga, utendaji mzuri na salama wa Sekta ya Ugavi wa Umeme, ulinzi wa masilahi ya ajira, Serikali na Wadau wengine, na kuvutia kwa uwekezaji katika Sekta Ndogo ya umeme.

# Wadau wasaini mfumo wa kulinda njia za miundombinu

Na Wilfred Edwin

**M**pango utakaosaidia kupambana na hatari ya majanga kutokea kwenye njia za wazi inakopita miundombinu ya huduma mbalimbali kama gesi, maji na umeme umesainiwa na wadau jijini Dar es Salaam hivi karibuni.

Mpango huo unaoratibiwa na Mamlaka ya udhibiti wa Huduma za Nishati na Maji (EWURA), utahusisha utunzi wa sheria na kanuni za kudhibiti miundombinu chini ya ardhii hasa wakati wadau wanapofanya matengenezo, marekebisho au ujenzi utakaohusisha uchimbaji kwenye maeneo yenye miundombinu.

Kaimu Mkurugenzi Mkuu wa EWURA, Mhandisi Godfrey Chibulunje amesema hati hiyo ya makubaliano ya itawawezeshaa wadau wa miundombinu kuandaa mpango wa pamoja wa kulinda miundombinu hiyo.

"Kamati ya ufundi ya pamoja itaundwa, ili kutengeneza kanuni za kisheria zinazoendana na makubaliano hayo, na EWURA itakuwa inafuatilia wadau namna wanavyofuata kanuni, taratibu na miongozo, jambo ambalo litasiaidie Mamlaka kutoa hakikwenye usuluhishi wa migogoro," alisema Kaimu Mkurugenzi huyo.

Hati ya makubaliano itasaidia kuongeza usalama wa umma na mali zao, uadilifu na umadhubuti wa mfumo wa miundombinu ya ardhini, kwa kuanzisha na kutumia mbinu za kisasa za kuzuia uharibifu wa miundombinu nchini kote.

Taasisi zilizotia saini hati hiyo ya makubaliano ni kampuni ya simu (TTCL), Mamlaka ya Maji na Usafi wa Mazingira (DAWASA), Pan African Energy (PAET), SONGAS, na Shirika la Maendeleo ya Petroli Tanzania (TPDC).

Nyingine ni pamoja na shirika la Umeme Tanzania (TANESCO), kampuni ya gesi ya Maurel & Prom, Wakala wa Barabara Mijini na Vijiji (TARURA), Mamlaka ya Reli ya Tanzania na Zambia (TAZARA) na Kampuni ya Bomba la Mafuta (TAZAMA Pipelines Limited).

"EWURA, TPDC na PAET mwaka 2018 zilijadili na kukubaliana kuchukua hatua za haraka kushirikisha wadau wote—wamiliki wa njia hizo na watumiaji—ili kutafuta namna ya kuwa na mfumo utakodhibiti usalama wa miundombinu wakati wa ukarabati, matengenezo, marekebisho na ujenzi unaohusisha uchimbaji," alisema Kaimu Mkurugenzi huyo.

Kwa mujibu wa mtendaji mkuu huyo, miaka ya hivi karibuni imeshuhudia ongezeko la ajali zinazotokana na kukosekana kwa udhibiti wa njia za miundombinu zinazotumiwa na wadau wengi.

Kwa mujibu wa taarifa, matukio hayo ni pamoja na ajali ya Aprili 2014 iliyotoea Kurasini Darajani, ambapo kampuni ya China Railway Construction Engineering Group (CRCEG) ilitoboa bomba la gesi wakati ikiendelea na shughuli zake.

Mwezi Mei 2014, kampuni ya Shalom Engineering ilitoboa bomba la gesi eneo la Kurasini jirani na TEC, wakati katika tukio linguine, Januari 2018, DAWASCO ilitoboa bomba la gesi eneo la Buguruni kwa Mnyamani na kusababisha moto mkubwa.

Mwezi Septemba, 2018 wajenzi wa reli ya Standard Gauge (Yapi Merkezi) walisababisha uharibifu kwenye bomba la gesi eneo la Ilala Bungoni jijini Dar es Salaam.

Katika juhudi za kutafuta suluhisho la kudumu la tatizo la usalama wa miundombinu hii, EWURA kwa kushirikiana na Jumuia ya wadhibiti wa Marekani (NARUC) na Shirika la misaada ya kimataifa la Marekani (USAID) walikutana mwaka 2018 na kuitisha kikao kujadili uzito wa tatizo la usalama wa miundombinu na na jinsi ya kukabiliana nalo.

Kikao hicho kilipitisha azimio kwamba EWURA iongoze uundwaji wa hati ya makubaliano ili upatikane mfumo wa kutatua changamoto hizo. Kila taasisi itatoa wawakiishi wawili ili kuunda kamati ya ufundi kwa mujibu wa sehemu ya tatu ya hati ya makubaliano.

Kamati hiyo ya ufundi baadaye itaanza kutengeneza kanuni na miongozo.

# Serikali yaunganisha Mamlaka za Maji

## Na Mwandishi Wetu



6

**S**erikali imefanya marekebisho makubwa ya maeneo ya baadhi ya mamlaka za maji nchini, hatua ambayo inalenga kuongeza ufanisi na kuboresha upatikanaji wa huduma za maji nchini.

Katika mabadiliko hayo, baadhi ya mamlaka za maji zimefutwa; zingine zimeunganishwa; na zingine mpya zimeanzishwa.

Kwa mujibu wa taarifa ya Wizara ya Maji, Mamlaka za Maji na Usafi wa Mazingira 12 katika makao makuu ya mikoa zimeongezewa maeneo ya huduma.

Mamlaka ya Maji Safi na Usafi wa Mazingira ya Masasi-Nachingwea (MANAWASA), imeongezewa eneaola Mangaka, ambayo ni makao makuu ya Wilaya ya Nanyumbu. Kufuatia uamuzi huu, Mamlaka ya Maji Safi na Usafi wa Mazingira ya Mangaka (Mangaka UWSSA) imefutwa.

Katika muundo mpya, Mamlaka ya Maji Safi na Usafi wa Mazingira ya Maswa (MAUWASA) imeongezewa maeneo ya huduma ya Lalago, Malampaka na Sangamwalugesha. Uamuzi huu unafuta mamlaka za maji katika maeneo hayo.

Mamlaka zingine sita za Maji Safi na Usafi wa Mazingira katika makao makuu ya mikoa na miji ya kitaifa zimekadhiwa jukumu la kusimamia na kuzijenglea uwezo mamlaka za maji na usafi wa mazingira katika miji midogo na makao makuu ya wilaya katika mikoa yao.

Usimamizi wa mamlaka hizo utafanywa kwa kufuata Mwongozo wa Usimamizi wa Mamlaka za Maji uliotolewa na Wizara ya Maji mwezi Disemba, 2019. Kufuatia uamuzi huu, Bodi za Wakurugenzi katika mamlaka hizi zimefutwa na majukumu yake yatakelezwa

na Bodi za Wakurugenzi za Mamlaka zilizotajwa.

Katika mabadiliko hayo, huduma ya maji katika miji mingine 63 itasimamiwa na Wakala wa Maji na Usafi wa Mazingira Vijijini (RUWASA). Sambamba na uamuzi huo, bodi za Wakurugenzi za Mamlaka za Maji Safi na Usafi wa Mazingira katika miji hii zimefutwa na menejimenti ya mamlaka katika miji hii itakuwa chini ya Bodi ya Wakurugenzi ya RUWASA.

Katika hatua hii, mamlaka tatu mpya za Maji Safi na Usafi wa Mazingira zimeanzishwa kwa kuunganisha maeneo ya huduma. Mamlaka hizi ni Mamlaka ya Maji Safi na Usafi wa Mazingira Kyela - Kasumulu (Mbeya); Mamlaka ya Maji Safi na Usafi wa Mazingira Itigi - Manyoni (Singida); na Mamlaka ya Maji Safi na Usafi wa Mazingira Same - Mwanga (Kilimanjaro).

# EWURA yatoa semina kwa wenye ulemavu wa ngozi

**Na Tobietha Makafu**



Washiriki wa semina ya EWURA kwa wenye ulemavu wa ngozi wakiwa kwenye picha ya pamoja baada ya semina hiyo. Waliokaa (katikati) ni Meneja wa EWURA Kanda ya Kati, Mhandisi Norbert Kahyoza.

**M**AMLAKA ya Udhhibit wa Huduma za Nishati na Maji (EWURA), imetoa mafunzo ya elimu ya udhibiti wa huduma za nishati na maji, kwa watu wenye ulemavu wa ngozi (albino) jijini Dodoma.

Akizungumza wakati akifungua mafunzo hayo hivi karibuni, Meneja wa EWURA Kanda ya Kati, Mhandisi Norbert Kahyoza, alisema mafunzo hayo yatasaidia kundi hilo kuwa mabalozi na kuelimisha wenzao, ambapo pamoja na mambo mengine, wajue wajibu wa watoa huduma na watumiaji huduma za nishati na maji.

“Mwito wetu kwenu, ni kwamba mnapopata elimu hii ya kazi na wajibu wa EWURA, mtusaidie kueneza elimu hii kwa wengine ambao hawajapata bahati ya

kuhudhuria mafunzo haya leo, ili wapate kuielewa vizuri taasisi hii,” alisema Mhandisi Kahyoza.

Aidha, alieleza kuwa elimu hiyo itawasaidia kuijua EWURA kwa kina, kuwa inafanya nini na pia kujua masuala ya leseni zinazotolewa, kama za mafundi umeme na za vituo ya mafuta na masharti yao, ili kufahamu pia adhabu anazopata mtoaji huduma anayekiuka matakwa ya leseni, pamoja na utaratibu wa kuwasilisha malalamiko EWURA.

Mkurugenzi Mtendaji wa Taasisi ya kuongeza uelewa kwa jamii juu ya watu wenye ualbino(AAF), Selemani Magoma, aliishukuru EWURA kwa mafunzo hayo, kwa sababu itahamasisha ushiriki wa kundi hilo katika shughuli za maendeleo nchini, zikiwamo huduma muhimu za nishati na maji.

“EWURA wametutambua watu wenye ualbino kama wadau muhimu katika masuala ya kimaendeleo, na kuona umuhimu wa kutushirikisha kutupa elimu kuhusu kazi na majukumu ya EWURA,” alisema.

Mwenyekiti wa watu wenye ualbino mkoa wa Dodoma, Ludovick Julius alipongeza Mamlaka hiyo kwa kutoa elimu, na kusema ina manufaa kwao na itawasaidia kutoa mapendekezo yao iwapo kuna tatizo kwa watoa huduma wa nishati na maji.

EWURA itaendelea kutimiza wajibu wake wa kuboresha ustawi wa jamii ya Watanzania, kwa kuimarisha elimu kwa umma, ufahamu na uelewa wa sekta zinazodhibitiwa, taratibu za kutatua migogoro na kusikiliza malalamiko, kazi na shughuli za mamlaka kwa ujumla.

**Kauli Mbiu: “Udhibiti wa Haki kwa Matokeo CHANYA”**



# Bodi yapongeza Mradi wa Kuchuja Maji Chumvi

Na Tobietha Makafu



8

**B**ODI ya Wakurugenzi wa Mamlaka ya Udhibiti wa Huduma za Nishati na Maji (EWURA), imepongeza utendaji wa mradi wa maji wenyewe mtambo wa kuchuja majichumvi, ulioko wilaya ya Gairo mkoani Morogoro, ilipotembelea mradi huo.

Pongezi hizo zilitolewa katika ziara iliyofanyika mwishoni mwa mwaka jana na Naibu Mwenyekiti wa Bodi hiyo, Bw. Ahmad Kilima, akisema Bodi yake imeridhishwa na mtambo huo na kuamini kwamba changamoto iliyokuwa ikiwakabili wananchi wa mji huo imekwisha.

"EWURA imeridhishwa na tunapongeza utendaji wa mradi huu, kwani utasaidia kwa kiasi kikubwa kutatua changamoto ya wananchi wa wilaya ya Gairo

kuhusu uhaba wa maji, na sasa watapata maji safi na salama," alisema Bw. Kilima.

Bw. Kilima aliahidi kuendelea kufuatilia baadhi ya changamoto, ikiwamo ya umeme kwenye mtambo huo, ili mradi ulete faida kwa wananchi.

Mtambo huo wenyewe thamani ya Sh bilioni 2.3 ulionunuliwa Italia, umelenga kuhudumia wananchi 32,808 wa wilaya hiyo, na kuinua kiwango cha upatikanaji maji kutoka asilimia 38 za awali hadi 80 za sasa.

Naye Mkuu wa Wilaya ya Gairo, Bi. Siriel Mchembe, aliwataka wananchi kuhakikisha wanatunza miundombinu ya mtambo huo, na kuonya kuwa Serikali haitamfumbia macho atakayeharibu au kuhujumu mtambo huo.

Meneja wa RUWASA, Wilaya ya Gairo, Mhandisi Moses Msuya, alisema ujenzi wa mradi huo umesaidia kuboresha upatikanaji wa maji safi wilayani mwake, ambapo kwa muda mrefu, kulikuwa na changamoto ya uhaba wa maji, kwani yalikuwa yakipatikana ya chumvi.

Wananchi wa Gairo waliishukuru Serikali kwa kuwasaidia kutatua changamoto ya maji walivokuwa nayo kwa muda mrefu, na kwamba wataendelea kuunga mkono juhudzi za Serikali katika miradi yake mbalimbali.

EWURA ina wajibu wa kudhibiti sekta ya Maji na Usafi wa Mazingira kiufundi na kiuchumi, ili kuondoa ukiritimba na kuhakikisha ubora wa huduma kutoka kwa Mamlaka inayotoa huduma, kwa kuwa biashara hiyo haina ushindani mkubwa.



# Mkuu wa Mkoa aipongeza EWURA

Na Tobietha Makafu



Mkuu wa mkoa wa Iringa Mhe. Ally Hapi (katikati) akiwa katika picha ya pamoja na ujumbe kutoka EWURA Kanda ya Kati ikiongozwa na Mha. Norbert Kahyoza (wapili kushoto) Ofisa Mkaguzi Mwandamizi wa Petroli, Mha. Nathaniel Edward (kushoto), Ofisa Mwandamizi Huduma kwa Wateja Bi. Getrude Mbiling' l na Ofisa Mwandamizi wa Umeme Mha. Nicholous Kayombo (wapili kulia) ofisini kwa mkuu wa mkoa huyo hivi karibuni.

9

**M**KUU wa Mkoa wa Iringa, Mhe Ally Hapi, ameridhishwa na utendaji wa Mamlaka ya Udhibiti wa Huduma za Nishati na Maji (EWURA), na kwamba huduma zinazodhibitiwa zimekuwa zikipatikana kwa wakati na kwa bei sahihi, licha ya changamoto chache zinazojitokeza katika sekta hizo.

Mhe Happi alisema hayo alipokutana na Meneja wa EWURA Kanda ya kati, Mhandisi Norbert Kahyoza katika ofisi ya Mkuu wa Mkoa mwishoni mwaka 2020, kwa madhumuni ya kumfahamisha juu ya udhibiti na changamoto katika huduma za nishati za maji mkoani humo.

Akizungumzia huduma ya maji, Mhe Hapi alisema: "Ukweli Mamlaka ya Maji Mkoa wa Iringa, imejitahidi kufanya kazi nzuri, kwani maji tunapata kwa wakati, na pia nimefurahia uwekaji wa

mita za malipo kabla, kwani inasaidia udhibiti wa ukusanyaji mapato na maji yanayopotea.

"Uwepo wa mikataba ya huduma kwa wateja kwenu na taasisi mnazodhibiti, inasaidia upatikanaji huduma bora, hivyo niwaombe mtoe elimu ya kutosha juu wa uwepo wa mikataba hii, ili wananchi wafahamu juu ya haki zao kutoka kwa mtoe huduma."

Akizungumzia ziara hiyo, Mhandisi Kahyoza alisema: "Madhumuni ya ziara ya EWURA Kanda ya Kati ni kutoa elimu ya udhibiti, pia kufahamu maeneo yanayohitaji ushirikiano zaidi na ofisi ya Mkuu wa Mkoa."

Pamoja na kutoa elimu katika ofisi hiyo, EWURA Kanda ya Kati ilipata pia fursa ya kutoa elimu katika ofisi ya Mkuu wa Wilaya ya Iringa Mjini, na kuandaa kipindi cha redio katika mkoa huo, ili kuwafikishia elimu ya udhibiti wananchi wa Iringa.

Mhandisi Kahyoza alisema, EWURA Kanda ya Kati yenye ofisi zake Dodoma, itaendelea kutoa elimu kwa umma katika mikoa ya Dodoma, Singida, Tabora na Iringa.

"Kabla ya kufika mkoaa huu wa Iringa, EWURA kanda ya kati imetoea elimu kwa uongozi wa juu wa mkoa wa Singida na kuandaa vipindi katika redio za mkoa huo, ili kuwafikia wananchi," alisema Mhandisi Kahyoza.

Alimalizia kwa kukaribisha wananchi wote wenye uhitaji wa huduma za EWURA, kufika katika ofisi zake zilizoko kwenye jengo la EWURA, ghorofa ya kwanza, Medeli Magharibi au kutembelea tovuti ya [www.ewura.go.tz](http://www.ewura.go.tz), kurasa za mitandao ya kijamii ya [facebook@ewuranews](mailto:facebook@ewuranews), [Twitter@EwuraTanzania](https://twitter.com/EwuraTanzania) na [Youtube: EWURATV](https://www.youtube.com/EWURATV).

**Kauli Mbiu: "Udhibiti wa Haki kwa Matokeo CHANYA "**

# Ewura yatoa mafunzo kwa wana habari wa Kanda ya Ziwa

Na George Mhina



Kaimu Mkurugenzi Mkuu wa Mamlaka ya Udhibiti wa Huduma za Nishati na Maji (EWURA), Mhandisi, Godfrey Chibulunje (kulia), akitoa mada kwenye mafunzo ya waandishi wa habari.

Mamlaka ya Udhibiti wa Huduma za Nishati na Maji (EWURA) imeendesha mafunzo ya siku moja kwa Wanahabari wa Kanda ya Ziwa kwa lengo la kuwajengea uwezo kuhusu kazi, wajibu na mafanikio ya EWURA katika udhibiti wa huduma za Nishati na Maji.

Mafunzo hayo yalifanyika Februari Mosi, 2021 na kuwakutanisha waandishi wa habari kutoka Mikoa ya Shinyanga, Mwanza, Mara, Geita na Simiyu katika ukumbi wa Gold Crest Jijini Mwanza. Mafunzo hayo ya aina yake, yaliwaunganisha Wanahabari zaidi ya 100 kutoka sehemu mbalimbali za Ukanda wa Ziwa.

Kaimu Mkurugenzi Mkuu wa Mamlaka ya Udhibiti wa Huduma za Nishati na Maji (EWURA), Mhandisi Godfrey Chibulunje, akitoa mada katika mkuiano huo, alisema waandishi wa

habari ni wadau wakubwa wa EWURA katika utendaji wao wa kazi. Alisema EWURA inafanya kazi kwa uwazi na mara nyingi imekuwa tarayi kutoa ufanuzi kwa jambo lolote lile ambalo waandishi wa habari wanahitaji ili kuihabarisha na kuielimisha jamii.

Mh. Chibulunje amesema EWURA itaendelea kutoa ushauri kwa serikali katika kuandaa sera, sheria na kanuni zitakazowezesha kukua kwa sekta za nishati na maji na kuendelea kusimamia watoa huduma ili kuhakikisha huduma zinakuwa bora kwa manufaa ya taifa.

Aidha alisema 'EWURA imesaidia kuzuia mfumuko wa bei, kuimarisha mamlaka za maji nchini na kukuza umeme binafsi na kwamba itaendelea kuzingatia misingi mikuu sita ya utawala bora katika maamuzi ya udhibiti ambayo ni

weledi, uwajibikaji, utabirikaji, ushirikishaji, uwazi na kufuata sheria'

Kwa pande wake, Meneja Uhusiano wa EWURA Bwana Titus Kaguo alisema kuwa EWURA sikuzote imekuwa ikiwaheshimu wanahabari na imekuwa ikifanya kazi kwa ushiriano wa karibu na vyombo vyote vya habari.

Meneja wa EWURA Kanda ya Ziwa, George Mhina amewaomba waandishi wa habari kuendeleza ushirikiano walionao kwa EWURA.

Mwenyekiti wa Klabu ya Waandishi wa Habari mkoaa wa Mwanza, Edwin Soko ameishukuru EWURA kwa kuandaa mafunzo hayo na kuahidi kuwa waandishi wa habari Kanda ya Ziwa wataendelea kushirikiana na EWURA.